

Жаҳон банки Аракан мусулмонларига ёрдам берди



15:07 / 11.03.2019 1419

Мьянмадаги босимлар туфайли Бангладешга кўчиб ўтиб, муҳожиротда яшаётган араканли мусулмонларни ижтимоий ва гуманитар қўллаб-куватлаш учун Жаҳон банки томонидан 165 млн. АҚШ доллар ёрдам пули ажратилди, деб хабар беради IQNA.

Ушбу маблағ қайтариб олмаслик шарти билан Бангладеш томонидан муҳожир мусулмонларга етказилиши учун Бангладеш ҳукумати ҳисобига ўтказилган. Хабарда айтилишича, ушбу маблағ муҳожирлар яшаётган лагерлар орасидаги йўлларни, сув иншоотларини созлаш, кўприкларни таъмирлаш ва кўчаларини кечаси ёритиш учун сарфланади.

БМТнинг маълум қилишича, 2017 йилнинг август ойида Мьянма армияси томонидан маҳаллий араканли мусулмонларга етказилган босимлар натижасида улар ўз ерларини тарк этишга мажбур бўлмоқдалар. Ҳозирда Бангладеш ҳудудида 745 минг атрофида араканли мусулмонлар муҳожирликда яшамоқда. Мьянма ҳукумати аракан аҳолисини ўз юртларига қайтариш бўйича берган ваъдасини бажармаяпти.